

佛說孝子經

失譯人名今附西晉錄



南無本師釋迦牟尼佛

說 明

本繁體校正版《佛說孝子經》電子書，根據《高麗大藏經》小乘經單譯，第 0753 部，《佛說孝子經》原藏影印本校正，句讀僅供參考。

本電子書是免費結緣品，特此說明。

仁慧草堂

二〇一八年八月

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

南無本師釋迦牟尼佛 (合掌三稱)

開經偈

(一編)

無上甚深微妙法 百千萬劫難遭遇
我今見聞得受持 願解如來真實義

佛說孝子經¹

失譯人名今附西晉錄²

佛問諸沙門：「親之生子，懷之³十月，身為重病。臨生之日，母危父怖，其情難言。既生之後，推燥卧濕，精誠之至，血化為乳，摩拭⁴澡浴，衣食教詔，禮賂師友，奉⁵貢君長；子顏和悅親亦欣豫，子設慘感⁶親心焦枯，出門愛念，入則存之，心懷惕惕，懼其不善。親恩若此，何以報之⁷？」

諸沙門對曰：「唯當盡禮慈心供養，以賽親恩⁸。」

世尊又曰：「子之養親，甘露百味以恣其口，天樂眾音以娛其耳，名衣上服光耀其身⁹，兩肩荷負周流四海，訖子年命以賽養恩¹⁰，可謂孝乎？」

諸沙門曰：「惟¹¹孝之大，莫尚乎茲？」

世尊告曰：「未為孝矣！若親頑闇，不奉三

¹ 麗藏：佛說孝子經；永樂北藏：孝子經；龍藏：孝子經

² 麗藏：失譯人名今附西晉錄；永樂北藏：失譯人名；龍藏：失譯人名

³ 麗藏：之；永樂北藏：抱；龍藏：抱

⁴ 麗藏：拭；永樂北藏：飾；龍藏：飾

⁵ 麗藏：奉；永樂北藏：重；龍藏：重

⁶ 麗藏：感；永樂北藏：戚；龍藏：戚

⁷ 麗藏：何以報之；永樂北藏：當何以報；龍藏：當何以報

⁸ 麗藏：以賽親恩；永樂北藏：以賽親恩耳；龍藏：以賽親恩耳

⁹ 麗藏：身；永樂北藏：體；龍藏：體

¹⁰ 麗藏：以賽養恩；永樂北藏：以賽恩養；龍藏：以賽恩養

¹¹ 麗藏：惟；永樂北藏：唯；龍藏：唯

尊，兇虐殘戾，濫竊非理¹²，姪媿外色¹³，偽辭非道，酖恟¹⁴荒亂，違背正真，兇孽若斯，子當極諫，以啟悟之。若猶瞢瞢未悟，即為義¹⁵化，當牽譬引類¹⁶，示王者之牢獄、諸囚之刑戮曰：『斯為不軌，身被眾毒，自招殞命。命終神去，繫于太山，湯火萬毒，獨呼¹⁷無救。由彼履惡，遭斯重殃矣¹⁸。』設¹⁹復未移，吟泣啼嗷²⁰，絕不飲食。親雖不明，必以恩愛之痛懼子死矣，猶²¹當強忍，伏心崇道²²。若親遷志，奉佛五戒，仁惻不殺，清讓不盜，貞潔不姪，守信不欺，孝順不醉者²³，宗門之內，即親慈子孝，夫正婦貞，九族和睦，僕使順從²⁴，潤澤遠被，含血受恩，十方諸佛、天龍鬼神、有道之君、忠平之臣、黎庶萬姓，無不敬愛，祐而安之。數²⁵有顛倒之政，佞嬖²⁶之輔，兇兒妖婦，千邪萬怪，無如己何。於是二親處世

¹² 麗藏：理；永樂北藏：物；龍藏：物

¹³ 麗藏：姪媿外色；永樂北藏：情染外色；龍藏：情染外色

¹⁴ 麗藏：酖恟；永樂北藏：耽醉；龍藏：耽醉

¹⁵ 麗藏：義；永樂北藏：開；龍藏：開

¹⁶ 麗藏：當牽譬引類；永樂北藏：牽譬引類；龍藏：牽譬引類

¹⁷ 麗藏：呼；永樂北藏：喚；龍藏：喚

¹⁸ 麗藏：遭斯重殃矣；永樂北藏：遭此重殃；龍藏：遭此重殃

¹⁹ 麗藏：設；永樂北藏：若；龍藏：若

²⁰ 麗藏：吟泣啼嗷；永樂北藏：悲泣啼號；龍藏：悲泣啼號

²¹ 麗藏：猶；永樂北藏：由；龍藏：由

²² 麗藏：伏心崇道；永樂北藏：伏心崇正道；龍藏：伏心崇正道

²³ 麗藏：孝順不醉者；永樂北藏：孝順不醉；龍藏：孝順不醉

²⁴ 麗藏：僕使順從；永樂北藏：僕使恭順；龍藏：僕使恭順

²⁵ 麗藏：數；永樂北藏：雖；龍藏：雖

²⁶ 麗藏：嬖；永樂北藏：孽；龍藏：孽

常安，壽終魂靈，往²⁷生天上，諸佛共會，得聞法言，獲道度世，長與苦別。」

佛告諸沙門：「覩世無孝，唯斯為孝耳！能令親²⁸去惡為善，奉持五戒，執三自歸，朝奉而暮終者，恩重於親乳哺之養無量之惠。若不能以三尊之至化其親者，雖為孝養，猶為不孝²⁹。無以孽妻遠賢不親，女情多欲，好色無倦，違孝殺親，國政荒亂，萬民流亡。本志惠施，禮式自檢³⁰，軟心崇仁，烝烝³¹進德，潛意寂寞，學志叡達，名動諸天，明齊賢者。自穢妻聚，惑志女色，荒迷于欲，妖蠱姿態，其變萬端。薄智之夫、淺見之士，覩其如此，不覺微漸，遂迴志沒身，從彼魑魅邪巧之亂³²，或危親殺君，悞色情蕩，忿嫉怠慢，散心盲冥³³，等行鳥獸，自古世來，無不由之殺³⁴身滅宗。是以沙門獨而不雙，清潔其志，以³⁵道是務，奉斯³⁶明戒。為君即保四海，為臣即忠，以仁養民，即父法明³⁷，子孝慈，夫信婦貞，

²⁷ 麗藏：往；永樂北藏：昇；龍藏：昇

²⁸ 麗藏：能令親；永樂北藏：能令二親；龍藏：能令二親

²⁹ 麗藏：猶為不孝；永樂北藏：猶不孝矣；龍藏：猶不孝矣

³⁰ 麗藏：禮式自檢；永樂北藏：以戒自檢；龍藏：以戒自檢

³¹ 麗藏：烝烝；永樂北藏：蒸蒸；龍藏：蒸蒸

³² 麗藏：從彼魑魅邪巧之亂；永樂北藏及龍藏：從彼妖媚邪巧之辭

³³ 麗藏：冥；永樂北藏：暝；龍藏：暝

³⁴ 麗藏：殺；永樂北藏：亡；龍藏：亡

³⁵ 麗藏：以；永樂北藏：唯；龍藏：唯

³⁶ 麗藏：斯；永樂北藏：此；龍藏：此

³⁷ 麗藏：即父法明；永樂北藏：父法明；龍藏：父法明

優婆塞、優婆夷執行如是³⁸， 世世逢佛， 見法得道。」

佛說如是， 弟子歡喜。

佛說孝子經³⁹

癸卯歲高麗國大藏都監奉勅彫造

³⁸ 麗藏：是；永樂北藏：此；龍藏：此

³⁹ 大正藏：佛說孝子經；永樂北藏：孝子經；龍藏：孝子經

● 結誦儀

補闕真言

(三遍)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛那. 吽. 潑抹拏. 娑
婆訶.

報父母恩呪

(四十九遍)

南無密栗多. 哆婆曳. 娑訶.

南無佛 南無法 南無僧 (合掌三稱)

南無一切如來、應、正等覺 (合掌三稱)

南無本師釋迦牟尼佛 (合掌三稱)

南無觀世音菩薩摩訶薩 (合掌三稱)

迴向偈

(一編)

誦經功德殊勝行 無邊勝福皆迴向
普願沉溺諸有情 速往無量光佛刹
十方三世一切佛 一切菩薩摩訶薩
摩訶般若波羅蜜

迴向偈

(一編)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；自
皈依僧，當願眾生，統理大眾，一切無礙。和南
聖眾。

南无护法韦驮尊天菩萨



此咒置經書中可滅誤跨之罪